

安肅縣志卷之十四

留養局碑記

宮保方觀承 桐城

昔昌黎原道終之以鰥寡孤獨癯疾者有養也張
子西銘至視天下之疲癯殘疾惻獨鰥寡爲吾兄
弟之顛連而無告者蓋仁者萬物一體所以發政
而施仁者必以鰥獨爲先是周官有大司徒之
錄息而所屬復有遺人之委積儲備於路室侯館
之以養老孤而待羈旅凡以民之窮貧有老疾
也雖豐稔不能無資於調掾故保息有六在荒政

十有二之外而委積則取諸國用之餘以時頒之
而必曰巡而比之又火懼夫經理之非人而預防
其侵擾也直隸留養有局計五百六十一處若安
肅之慈航寺永清雙營之龍王廟良鄉之永保堂
內邱之圓津菴所養尤衆往余爲總藩時有漕司
贈元通發願募化以贍寒餒之民余爲拓地建屋
一顏其坊曰給孤獨園寺曰慈航寺嗣是局基日
益踰千人乃鑄大誦可供四百人炊僧與貧民
兩膏食而又置雜糴以給之乾隆己卯

二十八間今又籌費另建瓦房四十八間
以資屬細耆僉以碑文請余惟宋史所載富鄭公
之在清州也河朔被水之民就食者公勸部民
粟益以官廩得公私廬舍萬區散處其人老弱病
疾者廩之死者爲叢塚葬之滕章敏之知鄆州也
淮南京東歲饑民流公度城外廢營地諭富室建
簾屋二千五百間井竈器用皆具民至如歸是皆
一時權宜之策以較周官立制久暫有殊矣而即
此可見古人盡心力於窮民周詳若此養局本出
意而更歲設以爲常凡以仰佐

卷之十四
天子懷保惠鮮之雅化數十年來慈愛之守令樂善之士商踵行之增盛焉而任事若元通者誠心無間於始終是并足以書也若其田地村落所在與夫畝數之多寡歲月之後先具書碑陰後來者有考焉而規條載在案記者刊布已久此不重錄云
漕河留養局續增瓦房碑記

宮保周元理 仁和

一 周禮地官以保息六養萬民凡以老窮貧疾必謀所以振拔而存恤之推之鄉里門閭野鄙縣都莫不有委積以待施惠先王於鰥寡孤獨廢疾者經

保方恪敏公因寺僧圓通之請募資創
講供食建土房一十八間築炕積薪與夫襦
衾率皆理料周詳自是州縣以次設局至
十一處後乃刊成通省養局案記一書而安肅實
爲權輿此慈航寺給孤獨園之所由名也戊子秋
恪敏公慮留養日繁人浮於屋擬僧建瓦房四十
八間雖嘗立石以紀其事而工方伊始時余陳臬
保陽悉其顛末嗣由總藩遷撫東省又秉鉞茲土
歷數年之久每經其處念大功之未克告成也急

爲籌費鳩工增建如數一切皆遵行舊規使恪敏
公惠澤流貽循行於弗替緬維前有善政亦賴後
人之踵成故曰善人爲邦百年而蕭規曹隨在焉
稱頌其美夫豈必改制變法以期立異哉善始善
尤貴善成行之久而治益新是乃得乎周官之
意以仰副我

天子胞與八閩凋瘵一體之盛治而凡有官守者
當共相勸勉於罔懈者也若其款例規條俱已載
在舊碑此重錄

漕河慈航寺留養局碑記

直隸留養局創始於龍眠方恪敏公其法官爲立
屬舍而以公置地租入具粥饘製襦袴俾四方流
徙就食者咸得養焉局凡五百六十一處而安肅
之澧河慈航寺其尤著者局統於寺寺僧實董其
事也恪敏公懼久而易弛伐石爲文以記之計地
二十八頃有奇具勒碑陰余昔承乏

畿南一切章程得預經畫迄今三十餘年余且秉節
於茲每值隆冬以公事過其地見夫鰥寡孤獨癯
疾會其中者殆千餘人佛氏六行以布施爲首寺
僧可謂能守檀那者矣局有旗人伍什泰地三頃

六十畝在完縣界城村者故僧元通以捐款代贖而伍什泰券捨於寺者也乾隆三十九年伊子六十三翼反其田構訟焉安肅令郭守璞將恪敏公碑記請於部經部定議以民人例不得置旗地而旗人自願施捨廟宇者准作香火永遠管業如是地贖自捐款非私蓄也租供留養非私產也據碑文斷令歸局奏奉

旨並飭有司彙查寺局旗民地畝均得以此爲例於

是安肅縣

初出馬之智武崖官中所等管地

本縣三十二畝皆券捨後積年隱漏者今悉收入
署后並供寺僧香火之用案記定郭令請記於余
余惟古者賙拯之政不俟歲祲周禮大司徒掌荒
政十二聚萬民其屬遺人掌郊里委積以恤艱厄
立法至周且豫得此意者若管子九惠之卹孤養
寡爲可師焉後世諱言民貧荒政日廢值歲歉始
急起而謀之如王蒼治吳郡出私財爲饘粥虞潭
治南康出私錢賑餘敝雖仁人君子之用心良厚
而瘡痍則已多矣孰若斯局之設官捐之僧守之
歲以爲常而民賴其利乎况寺當西道之衝往來

雲集流寓者衆則所以裕其儲者務在多而垂之
後者必可久今局中地益廣則息益增而所養益
不匱自茲以往守土者以時稽覈而寺僧亦恪遵
而奉行之毋懈怠毋侵漁將所以宏我

皇上懷保之澤而置無告窮民於樂國者其未有既矣
亦余今日爲恪敏公綿茲善舉於勿替也爰記其
端末若此

西漕鋪新修石橋記

李成美

邑人

夫征塵擾擾旅人多病涉之悲行色匆匆過客興
望洋之嘆成輿梁於冬月水陸皆通修橋燧於春

期往來甚便。美何公之允毅。感刺史之勤修。自古
爲然。於今攸賴。安邑西南三十里西漕鋪。舊有浮
橋一座。北通幽冀。南抵江淮。雖數尺之龜浮。實萬
人之蟻渡。乃日回星轉。漸覺傾頽。雨蝕風摧。遂成
剝落。蠹穿之木難砥柱於中流。虫篆之樑類浮槎
於絕漢。假令長空虹落。世無布金之人。轉虞絕險
鯨波。時返行人之旆。爰有本村居士。共樂捐施。過
募十方。成功一旦。形同半璧。制應七星。雁齒排連。
鬚髯長蛟。飲澗鼉梁。矗起依稀。初月出雲。無須秦
政之鞭。何異羅公之杖。車輪坦坦。馬足平平。朱雀

浮烟雨。灑利名之客。赤蘭蕩影。風飄商旅之衣。王
孫側帽而來。天津可渡。詩人騎驢而往。灞岸無傷
尤矣。藏鶴之區。洵哉題橋之所。功雖繼起。事重新
成。柳畔舉觴。願效石梁之頌。河中沉玉。實慚司水
之才。是爲記。

新修城北瀑河碑記

鄉城士民公立

縣治之北有瀑河。發源於易州之石虎岡。由賈莊
入安肅界。迤邐蜿蜒至城北。合雞爪泉。穿石橋而
抵容城。入新安大淀。滙天津諸水而歸之海。其源
流本自通也。顧北橋以東。河身淺窄。水如衣帶。兼

以跨河諸橋低窪湫隘水勢不暢舟楫難通泥沙
日積河底漸滿故水至城西姜女廟口不歸瀑河
正派而入支河遂繞城而南而東每春夏之交平
地漫衍若寺各徐城林水等十餘村盡爲沮洳田
廬頗受其累直抵蒲草窪乃入安州歸淀自辛巳
上午間連日霖霖水勢縱橫安州下流倒抵水無
所歸遂泛溢於縣南之十里鋪劉祥店以九省衝
衝幾成澤國行者岌岌乎有涉水無涯之慮我
副憲桐城方公審厥形勢謂河身不寬則水無所
容下流不濬則水無所瀉因發金數千命安肅容

城新安盡疆修理而以 監司揆公董其事指示
周詳修之平之挑之濬之橋令其高且廣水使之
順而暢是役也不煩民力不費民財兩月而告成
不特東海一帶泛溢無憂且河水清漣風帆上下
商賈雲集貨來同遂城一都會焉繼自今卽遇
水旱而禾麻菽麥四方輻輳不必越境而告糴第
取之河干固甚易此豐歉咸宜之政可久可大
之權其利益於安肅者且億萬斯年也吾儕飲和
食德感於中而不能已於言爰紀其實以識不忘
至如 制憲之豐功偉烈其所以佐

天子而嘉惠畿輔者美不勝述他日自有青史之載
鼎之銘下里小民固無從贊揚其萬一也是爲記
重修劉真君廟碑記

邑令張

鈍

安陽

遂城北郭迤東有古廟焉邑人所以奉劉真君者
也真君河間人名完素字守真爲有金一代名儒
累徵不仕遂隱於醫世稱爲高尚先生其仁心仁
術實足濟一時而壽萬世斯邦之立廟致虔亦固
其所顧有其創之莫爲修之歲久歆頌將何以宏
神靈而昭禮祀哉予忝守此土不敢坐視因首捐
廉俸進邑中之樂於爲善者共襄其事經始於丁

西十月庀材鳩工約計千金次第修葺五閱月而落成廟貌雖仍其舊而氣象爲之一新大工告竣適當廟會之期意者其有神助歟殿後舊有十數楹地甚高敞而屋宇卑陋不相稱因擴其舊址而更張之歷階而上有月臺中爲堂左右列廊廡與前殿珠聯綉錯煌煌然相輝映焉而丹楹刻桷壯麗巍哉遂爲一邑之勝予公餘之暇游覽其間喜其爽塏而幽閑遠城市之喧近林泉之趣春風歌詠足以偕童冠而滌塵煩洵可樂也因念吾黔貴

山書院之祀陽明先生也滇南五華書院之祀升

其流風餘韻皆足以振興後學爰謀於邑之紳士
以書院諸生肄業於此更於廟之巽位建浮圖以
培文風衆皆唯唯稱善乃卜日遷之然則是舉也
非特廟貌極觀瞻之壯而多士之優游誦習於斯
者亦得以仰止高山而文教自駸駸乎其日上焉
予喜其功之速而士民之各遂所願也爰勒石以
記其事